

# INUIT ATAQATIGIIT INATSISARTUNI



10. August 2021

Inatsisartut suleriaasianni § 37 imm. 1 naapertorlugu Naalakkersuisunut apeqqtut imaattoq matumuuna saqqummiuppara.

## **Naalakkersuisunut apeqqtut:**

- 1. FN-ip silap allanngoriartornera pillugu nalunaarusiarsuani saqqummersinneqaqqammersumi inerniliunneqartunut Naalakkersuisut qanoq isummessorpat?**
- 2. Silap allanngoriartornera siulittuutigineqartoq Kalaallit Nunaannut qanoq kinguneqassava?**
- 3. CO2-mik nunatsinni aniatitsineq millisarniarlugu Naalakkersuisut qanoq iliuuseqarpat/iliuuseqassamaarpat?**
- 4. Parisimi isumaqatigiisummut Kalaallit Nunaata ilanngunnissaa qaqugu pissasoq Naalakkersuisut naatsorsuutigaat?**
- 5. Apeqqtut pillugu Naalakkersuisut soqutiginarsinnaasunik allanik paasissutissaateqarpat?**

## **Tunngavilersuut:**

Ilisimatuut FN-ip sila pillugu sulisitaasa (IPCC-p) nalunaarusiaata arfinilissaat 9/8-2021 saqqummiunneqarpoq. Nalunaaruaisaq silap allanngoriartornera pillugu ilisimatuut misissuisarnerisa ataatsimoortillugit katinneraat.

Nalunaarusiap inerneru annilaarnartutut oqaatigineqarput, paasineqartullu ilagaat nunarsuup kiassusia ilimagisamit siusinnerujussuakku 1½ gradimik qaffassasoq. Tamanna sinnerlugu nunarsuaq kiatsissappat kinguneri ajorluinnassapput aqunneqarsinnaajunnaarlutillu.

Apeqqtutima ullut suliffiusut 10-t qaangiutinnagit akineqarnissaat kissaatigaara.